

魏王花木志

○紫菜

吴郡边海诸山，悉生紫菜。

○木莲

木莲叶似辛夷，花类莲。

○山茶

山茶似海石榴，出桂州。

○溪荪

溪荪如高粱姜，生水中，出茆山。

○朱槿

重台朱槿似桑，南中呼为桑槿。

○莼根

莼根羹之绝美，江东谓之莼龟。

○孟娘菜

江淮有孟娘菜，并益肉食。

○牡桂

牡桂叶大如苦竹叶，叶中一脉如笔迹。

○黄辛夷

卫公平泉庄，有黄辛夷，紫丁香。

○紫藤花

吴苑生。

○郁树

郁树高五六尺，其实大如李，色赤，食之甘。

○思惟

思惟树，汉时有道人自西域持具多子。植於嵩之西峰下，后极高大，有四树，树一年三花。

○卢橘

卢橘蜀生，有遗客橙，似橘而非，若柚而香。冬夏华实相继，或如弹丸，或如拳，通岁食之，亦名卢橘。

○楮子

南方记楮子如梅实，二月花，七八熟。土人盐藏之，味辛出交趾。

○石南

石南树野生，二月花，实如燕子，八月熟。民采取之，曝乾，取皮作鱼羹和之尤美。出九真。

都勾似栝桐木，中出屑如面，可取为饵，食如桃

榔。

○茶叶

茶叶似梔子，可煮为饮，其老叶谓之茅，叶谓之茗

。